

Etuntur; tùm ratione vitæ & mutuæ charitatis, quando
tolerant sese invicem per Charitatem, studentes servare
unitatem spiritûs, per vinculum pacis. Eph. 4, v. 2, & 3.

XXIV.

Finis hujus structuræ est hic, ut crescat eis ναὸν ἁγίων ἐν
xveja in Templum sanctum in Domino: Item, ut sit κατοικη-
τήριον τοῦ θεοῦ ἐν πνεύματι, habitaculum DEI per spiritum. Tem-
plum autem sanctum est Ecclesia: quia Deus in Ecclesia
nos sanctificat per Spiritum S. mediante verbo & sacra-
mentis, ut à Nobis sanctè colatur & adoretur. Habitaculum
autem Dei dicitur, quia ibi Deus præsentiam suam
gratiosam declarat, in singulis etiam credentibus per fi-
dem habitat Eph. 3, v. 17. suamq; habet mansionem in
se diligentibus Joh. 14, v. 24. 1. Joh. 3, v. 24.

XXV.

Συναγωγῆς ἢ ἑθνῶν vel coædificari dicuntur Gentes, quæ
aliquando fuerunt sine Christo, ab alienatæ à Republ.
Israelis, & extraneæ à testamentis promissionis, spem
non habentes, Deo q; carentes in mundo; nunc autem
ad communionem Ecclesiæ vocatæ & propinquæ factæ
sunt, per sanguinem Christi, qui fecit ex utrisq; unum.
Eph. 2, v. 12, &c.

XXVI.

Causa efficiens principalis hujus ædificii est ipse Chri-
stus, uti ex verbis ipsius constat; *Ædificabo Ecclesiam me-
am.* Minus principalis vel secundaria & instrumentalis est
ministerium, δίακονοι & σόνεργοι Christi, 1. Cor. 3, v. 4. &
9. qui quod agunt, non suâ, sed Christi virtute agunt, cui
soli Paulus omnem verbi efficaciam ascribit v. 7. his
verbis: *Neq; qui plantat est aliquid, neq; qui rigat, sed qui
dat incrementum Deus.* Et ipse Christus ait: *sine me nihil
potestis facere, Joh. 15. v. 5.*

B

Jam,

40